

道門科範大全集卷之八十

東嶽濟度拜章大醮儀

啓壇行道

法事陸壇如式

各禮師存念如法

宣衛靈咒

東方

九炁青天 明星大神 煥照東鄉 洞映九門
轉燭陽光 掃穢除氛 開明童子 號曰玄卿
備衛我軒 上對帝君 收魔束妖 討捕兇群
奉承正道 赤書玉文 九天符命 攝龍驛傳
普天安鎮 我得飛仙 與道合真

南方

三炁丹天 煥景流光 燐星轉燭 洞照太陽
上有赤精 合契虛皇 開明童子 號曰華房
總統火兵 備守玉堂 軒邪東妖 剪截魔王
北帝所承 風火莫當 流鈴交煥 翎衛壇場
正道流行 敢有已狂 我享上功 坐運魁罡
億劫長存 保天無疆 與道合真

西方

七炁素天 太白流精 光耀金門 洞照太冥
中有素皇 號曰帝靈 保神安鎮 衛我身形
斷絕邪源 王道正明 宮殿整肅 三景齊并
道合自然 飛昇紫庭 靈寶符命 普惠萬生
元皇正炁 來合我身 功加一切 天地咸寧
與道合真

北方

五炁玄天 元始徘徊 辰星煥燦 光耀太微
黑靈尊神 號曰層威 統冠飛天 仙裙羽衣
備衛五門 檢精捕飛 敢有干試 鑿落斬摧
玉符所告 神鎮八威 邪門閉塞 正道明開
映照我身 三光同輝 策空駕浮 舉形仙飛
與道合真

中央

一炁黃天 調理乾坤 陶鑄陰陽 總統玄真
鎮星吐輝 流煥九天 開明童子 號曰天璘
元炁陽精 焰上朱煙 洞照天下 及臣等身
百邪摧落 殺鬼萬千 中山神咒 普天使然
五靈安鎮 身飛上仙 與道合真

鳴法鼓二十四遍

發籙

無上三天玄元始三炁太上道君太上老君
召出自身中三五功曹左右官使者左右捧
香驛龍騎吏侍香金童傳言散花玉女五帝
直符直日香官合三十六人出出者嚴裝顯
服冠帶垂纓關啓玄壇土地方域神真百令
陸壇行道謹奏為宣意其諸情悃已錄告聞
願得太上十方至真道炁靈寶瑞光下降流
入臣身中令臣所啓速達徑御
太上無極大道昊天金闕玉皇上帝 御前

請稱法位

具位巨甚等謹同誠上啓
虛無自然金闕七寶上帝東宮教主太乙救
苦天尊傳經演教歷代師真東嶽泰山天齊
仁聖帝淑明皇后太子貴妃殿上炳靈公西
齊靈王嶽下文武考校一切曹僚三界應感
一切真靈咸望洪慈俯回清鑒臣聞七竅鑿
而混沌死有情皆爭五莖至而淫僻生無主
乃亂在既繁而既庶將執主而孰張人君奉
天道以建邦必分之於牧伯藩屏上帝握化

權而御物實付之於獄漬神祇故主聖臣賢之任操賞罰以御其在天地神祇之靈方錄功而制其死式俾積善積惡之衆無逃一生一死之機明既有於人昧幽必罹於鬼責故護短飾非者邦刑所不免則藏奸匿惡者

天罰所必加懲愆者過者亦為國法之含容請命求哀者必在冥司之解釋爰有崇真之醮實動悔過之誠稽首震方皈心獄帝願託仁慈之鑒廓開赦宥之門察凡懸於今辰被罪魂於長夜所啓玄感上御

至真無極道前

懺悔 三啓 三禮

臣謹虔誠上啓

虛無自然金闕七寶上帝東宮教主太乙救苦天尊傳經演教歷代師真東嶽泰山天齊仁聖帝淑明皇后獄下文武考校一切曹僚三界應感一切真靈願啓洪慈俯照升懸臣聞本旺東方寶謂藏魂之地山臨魯國九崇望祀之儀冠五嶽以獨尊總百神而為貴考博物之志名尤重於天孫按風俗之通文有

藏於金匱壽分修短驗武帝探冊之祥簿有職司見吉巖迂吏之至信稟生於衆庶皆係命於獄靈所由始而所由終亦主生而亦主死二十四獄常糾惡以詰奸八十六司必紀功而書過用罄厥依之志追思往逝之魂慮

因處世之艱危或染多生之罪垢一入控牢之內難免拘囚頰嬰捶楚之苛不勝痛酷用希恩而解釋式致敬以禱祈臣等即事有初啓壇伊始式准天尊之旨命敬宣醮主之詞誠啓壇詞文謹當宣奏

宣詞

諸詳詞語深可悲哀蓋哀死而悼亡遂披肝而瀝膽深慮罪愆之久積魂繫陰司或因按牘之未明辱從獄卒用陳情而控告祈垂聽以哀矜洗滌愆非憐其不覺而不悟曲從凡個知其克敬以克親風馬雲車俯齋壇而下降電旌絳節近仙馭以來臨仰望真慈下質冥福臣等恪因淨宇肇舉洪儀伏乞太上三尊十方衆聖垂神省覽鑒察丹誠乞教勅此間土地里域真官一合同心併力營

衛掃蕩內外清淨壇場降伏妖魔滅邪崇使臣等心安神定思念立感啓奏上達善功成就無有窒滯所願隨心須臾依法行道續更啓聞

十二願

復鑪 謹攝香官使者左右龍虎君侍香諸靈官當令臣向來靜夜行道之所自然生金液丹碧芝英百靈衆真交會在此香火鑪前當願十方仙童玉女接待香煙傳臣向來所啓之誠速達徑御

至真無極大道

吳天玉皇上帝 御前

出堂頌 出戶

道門科範大全集卷之八十